

眼科
闡微

三



卷三利集

時行赤眼症

凡時行病目少年宜服寒涼等藥若中年後氣血不
盛用寒涼過多眼疾愈後神漸減視物昏花以其
寒涼傷胃精氣不能上升惟醉仙湯補泄相兼老
少可服終身無昏花之患

醉仙湯

治時行害眼並暴發赤腫疼痛凶狠如蟹睛者

羌活

防風

柴胡

蒼朮

白芷

川芎

當歸

生地

黃柏

鹽水炒

牛膝

杜仲

鹽水炒

香附

醋炒

白茯苓各錢

如小兒各七分

有雲翳加白蒺藜木賊羞

明加天麻

右用醇黃酒一碗水一碗煎至一碗加食鹽七釐攪勻溫服如能飲者再飲熱酒兩三杯使血行可速愈也

按照時症有熱勝風勝風熱俱勝之不同不可不辨熱勝者火壅壯熱頭目昏眩疼痛熱氣上冲口內舌唇焦紫咽喉腫痛心神煩躁多渴小便赤澁大便秘滯熱勝之病如是也

風勝者頭疼鼻塞腫脹涕淚腦巔沉重眉骨酸痛外翳如雲霧絲縷秤星螺蓋風勝之病是也

風熱俱勝者風毒上攻暴作目赤腫疼難開癢澁眵淚交流風熱俱勝之病如是也

三症大同小異用藥易混須要分晰明白然後用藥若是熱勝先清火風勝先除風風熱俱勝除風散熱兼之庶幾濁陰之氣盡除而清陽之氣盡復如無病之初矣世之目疾久而不愈或愈而復犯者皆由初時用藥之誤以致臟腑鬱結濁氣上升清陽共位至一年則目昏暗二年則生紅絲三年則長翳障延及五七載則失光明抑知皆由初時用藥之差也哉熱勝者先服洗心散次服瀉熱黃

連湯

洗心散

大黃煨 生甘草 當歸 白芍 麻黃 荆芥穗各六錢

白朮五錢 共為末每服三錢生姜薄荷湯煎下

瀉熱黃連湯

連下黃上 酒炒 黃芩 胆草 生地 柴胡各二錢 升麻五分

水煎食後熱服

一風勝者先服羌活勝風湯次服降火明目丸

羌活勝風湯後方見真人秘訣降火明目丸方見

一風熱俱勝者先服洗肝散次服瀉青丸

洗肝散

薄荷葉 當歸 羌活 炙甘草 生大黃 酒淨

炒梔仁 川芎各等分 右為末每服三錢 食遠滾

湯調下

瀉青丸方見真人秘訣前

一兩目赤腫疼舌上生瘡出血舌硬疼大背赤此心

火上炎也宜服

瀉心湯

當歸 白芍 生地 梔子炒 黃連各一錢 犀角

薄荷 甘草各五分 麥冬二錢

水煎食遠溫服宜點白玉錠元靈丹

一鼻孔乾燥生瘡腫痛白珠赤此肺火也宜服

瀉肺湯

黃芩 連翹 赤芍 麥冬 桔梗 桑白皮

梔子 荆芥 薄荷各一錢 生甘草 三分

水煎食遠溫服點白玉錠賽寶丹

一兩目紅腫疼痛此肝火也宜用

瀉肝湯

當歸 川芎 白芍 柴胡 連翹 梔子 青皮

胆草各一錢 生甘草 五分

水煎食後溫服點掃霧丹至

寶丹

一口內乾燥舌上生瘡兩胞紅腫胃中積熱消谷善

肌此脾火也宜服

瀉脾湯

白芍

黃連

酒炒

連翹

薄荷

梔子

仁炒

石膏

煨各一錢

甘草

三分

水煎食後溫服點元靈丹

止疼消腫湯治暴發赤腫二三日五七日用

黃連

生地

赤芍

歸尾

赤茯苓

防風

細辛

各錢

大黃

桑白皮

各三錢

甘菊花

谷精草

生甘草

各三錢

為末每服三錢煎服

清熱消腫湯

初得宜服日久則熱毒隱于經絡中生翳

黃連

當歸

生地

赤芍

梔子

川芎

黃芩

大黃

甘菊

木賊

白蒺藜

木通

甘草

各等分

水煎溫服

明目流氣飲

倒睫赤爛時行暴赤悉治之

當歸

川芎

生地

赤芍

甘菊

胆草

防風

防己

甘草

香附

決明子

密蒙花

木賊

或加黃連

水煎食遠服除賽寶丹一切點藥膏丹

俱可用

除翳明目湯 雲翳初結翳嫩火盛者用

黃連 生地 赤芍 歸尾 赤茯苓 南谷精草

防風 細辛 大黃 桑白皮各二錢 生甘草三錢

水煎服食遠時服點掃霧丹

服明目退翳湯目病已久帶紅絲浮翳者薄霧者用此

生地 黃連 木賊 甘菊 胆草 石膏 鬱金

旋覆花 青箱子 白蒺藜 蟬退各等分 水煎溫服

點元靈丹至寶丹

服導赤散 治心經實熱

木通二錢 生地三錢 丹皮二錢 犀角末一錢 生甘草一錢

酒洗

酒洗

加竹葉九片水煎服 洗小棗兒 礬連膏

心經實熱者兩大眼角有赤內外紅絲現漸入白睛瘀血堆積不散洗賽空青點白玉錠

瀉肺湯治肺經實熱

地骨皮二錢

桑白皮一錢

蜜炙

麥冬三錢

山梔一錢

甘草七分

水煎服點元靈丹至寶丹肺經實熱者白睛有赤絲盤結漸入烏睛小眼角或有瘀住青筋是毒之甚也如大便秘乾燥加大黃芒硝

瀉肝湯治肝經實熱

胆草

一錢酒洗

當歸

黃芩

酒炒

甘草各二錢

車前子炒

木通各八分

澤瀉

生地各七分

水煎服

肝經實熱者黑睛生赤絲烏氣籠罩瞳人服此藥
退肝火再服羌活勝風湯發散瞳人上烏氣全愈
矣

瀉黃散 治脾經實熱

防風 藿香 陳皮 白芍 甘草各一錢 大黃七分

石膏 煨三錢 水煎服

脾經實熱者上下眼皮内生瘡如粟米或盤筋瘀血
等症用手法除後服此藥

洗心涼血湯此降火之劑壯盛者服

當歸 赤芍 生地 黃連 菊花 木通 枯苓

梔子各五分 甘草四分

水煎熱服

眼痛極紅者用二三劑皮腫加大黃

瀉脾散暴赤腫痛一劑而愈

蒼朮

枳壳

赤芍

歸尾

川芎

黃連

柴胡

香附

甘草 各五分

大黃

朴硝 各二錢

水煎溫服

眼赤腫疼大便堅者用二三劑

清肝明目消障湯 治風熱紅腫雲翳

川羌活

九節者中曲者不用

防風

赤芍

酒炒

黃連

白茯苓

九製大黃

柴胡 各分

蒼朮 各分

生地 一錢

青箱子 四分

全當歸

草決明

車前子 各分

蔓荊子 六分 甘草 三分

密蒙花

蜜水拌晒
干後炒

燈心

水二鍾煎八分食後熱服

目病纏綿三五月風熱不通遂生浮翳多服此藥

明目和血湯眼有翳膜兼大風

硃砂

當歸

生地

川芎

赤芍

菊花

防風

防己

香附

甘草

龍胆草

草決明各四分

有翳加密蒙花

木賊

水煎將藥倒出加硃砂研

細末食遠溫服

病至一年雲翳遮瞳人風火隱于經絡中血虛不能

鼓動邪氣未散多用此方

加減四物湯病似虛弱

生地 當歸 各一錢五分 川芎 白芍 各一錢 谷精草

白蒺藜 炒 海螵蛸 各八分 久病羞明加天麻 一錢

水煎熱服或血虛翳膜不退多用此藥

清胃降火湯 眼皮紅腫

防風 薄荷 赤芍 黃連 山梔 各八分 石膏 煨一錢五分

黃柏 黃芩 各八分 甘草 三分

立效飲 一切實熱裏急後重 臟毒下血酒毒隔

黃連 二錢 一半生用一半酒炒要真川連 黃芩 二錢 芒硝 一錢 薄荷葉 三錢

大黃 三錢 一半生用一半酒炒 連翹 一錢 梔子 二錢 甘草 五分

水煎食後溫服

防風 羌活 湯 痰盛入于經絡壅塞通明孔竅清
氣不得上升漸生雲翳

防風 羌活 細辛 黃芩 南星 半夏 白朮

甘草 各等分 水煎食後溫服

前胡散 咳嗽涕唾稠粘心胃不利時有煩熱冲
攻目赤

前胡 一兩 麥冬 一兩 五錢 桑白皮 一兩 川貝母 一兩 杏仁 去皮尖
炒一兩

甘草 炙一錢
五分 合為散每服 薑一片 水煎溫服

清咽明肺湯 咽喉不清 火氣上炎

桔梗 二錢 山梔 炒 黃芩 桑白皮 甘草 前胡

知母 貝母 各二錢 陳皮 半夏 各八分 水煎食後服

香蓮湯 眼夜痛甚

香附米童便浸炒六錢 旱蓮草五錢 當歸二錢

一方用夏枯草更妙 水煎服

芍藥清肝散 眵多眊結 睨睨緊澁羞明赤脉貫睛臟

白芍 石膏煨 川芎 防風 桔梗 滑石各三錢

前胡 赤芍 荆芥穗 甘草各二錢五分 柴胡 黃芪各二錢

知母二錢 羌活二錢 蘇薄荷二錢五分 芒硝三錢五分 大黃四錢

山梔仁二錢 共末每三錢水二鍾食遠熱服

加減雙解散 治暴赤腫痛白珠血片甚至瘀血包珠

防風 荆芥 薄荷 桔梗 麻黃 黃芩 山梔

連翹 當歸 芒硝 大黃 赤芍 滑石 石膏各二錢